



Jumat, 23 Desember 2022
Ogen: Heber 4:11



ERPALA-PALA



'Hidup ini sebuah perjalanan' dalam e arus si dalani seh ku tujuan. I bas perdalenen e erbage si man bentasen, subuk perbeben bage pe keriahen ukur. Megati si la bagi ukur erbahanca kita lolah seh jungut-jungut, janah i bas keriahen ukur pe banci erbahanca kita ndabuh sabap banci kita tergoda i bas keriahen, lupa ngataken bujur dengen nggeluh terjeng ersenang-senang la ngukuri kalak sideban.

Bagenda me i bas sejarah kegeluhen manusia, kususna bangsa Dibata, segedang perdalenen geluhna la sitik si jungut-jungut, mpemersik ukur, la megiken kata Dibata seh maka la seh ku bas tujuan. I bas pedalenen enda, arus nggit megiken pedah, arahen i bas si mabaisa e me pemimpinna. Pemimpin e ngaloken pedah i bas Dibata nari, sabap IA me si mabai bangsa e ndarat i Mesir nari. Nginget sejarah bangsa enda me maka penulis kitab Heber ngajuk singoge kitab enda gelah nggit ras ngasup erjuang guna ndatken ingan pengadi-ngadin Dibata. Ingan pengadi-ngadin, e me ingan pekesahken i bas erbage kelatihen si lit. Ingan jadi tujuan akhir kalak si tek. I bas konteks kegeluhen perpulungen si pemena, labo menukah guna ngikutken Jesus. Sabap mbue kal tantangan, erbage kiniseran si man alankenna. E maka arus erpala-pala, erjuang tetap setia dengen patuh man pedah Dibata.

Kita pe desken 'musafir' i bas ndalani geluhta, nerusken perdalamenta. Jelas ingan si jadi tujunta, e me pengadi-ngadin Dibata. Ingan kesenangan. Tentuna ndatkenca la bo menukah, la bias tek saja tapi nggeluh i bas kiniteken, arus erpala-pala, nimbak sura-sura daging ras erbage godan ras pendilo doni enda. Kesenangan si kentsik saja ngenca. Arus tutus i bas ndalanken si mehuli. Nggit mbegiken kata pedah dengen la mesera man katanken.

✎ *Erjuanglah alu semangat seh ku bas tujuan akhirta*